



საქართველოს განათლებისა და მეცნიერების მინისტრის

ბრძანება № 760


ა. თბილისი, 2009 წ. 14 09

„საჯარო სამართლის იურიდიული პირის – საგანმანათლებლო და სამეცნიერო ინფრასტრუქტურის განვითარების სააგენტოს „ინფრასტრუქტურის განვითარების 2009 წლის სამოქმედო გეგმის“ დამტკიცების შესახებ“ საქართველოს განათლებისა და მეცნიერების მინისტრის 2009 წლის 30 მარტის №174 ბრძანებაში ცვლილების შეტანის თაობაზე

საქართველოს ზოგადი ადმინისტრაციული კოდექსის 63-ე მუხლის, „საქართველოს მთავრობის სტრუქტურის, უფლებამოსილების და საქმიანობის წესის შესახებ“ საქართველოს კანონის მე-20 მუხლის პირველი პუნქტის, მე-2 პუნქტის „ა“ ქვეპუნქტის, 21-ე მუხლის, „საქართველოს 2009 წლის სახელმწიფო ბიუჯეტის შესახებ“ საქართველოს კანონის (ორგანიზაციული კოდი – 3214010303), „საქართველოს განათლებისა და მეცნიერების სამინისტროს დებულების დამტკიცების შესახებ“ საქართველოს მთავრობის 2004 წლის 21 მაისის №37 დადგენილებით დამტკიცებული დებულების მე-3 მუხლის მე-2 პუნქტის „ა“, „ბ“, „გ“, „დ“ ქვეპუნქტების, „საჯარო სამართლის იურიდიული პირის – საგანმანათლებლო და სამეცნიერო ინფრასტრუქტურის განვითარების სააგენტოს დებულების“ საქართველოს განათლებისა და მეცნიერების მინისტრის 2009 წლის 30 იანვრის №44 ბრძანების მე-2 მუხლის პირველი პუნქტის, მე-2 მუხლის მე-2 პუნქტის „ა“ ქვეპუნქტის და საჯარო სამართლის იურიდიული პირის – საგანმანათლებლო და სამეცნიერო ინფრასტრუქტურის განვითარების სააგენტოს დირექტორის მოვალეობის შემსრულებლის 2009 წლის 14 სექტემბრის №08/27987-08 კორესპონდენციის გათვალისწინებით,

ვბრძანებ:

1. შევიდეს ცვლილება საქართველოს განათლებისა და მეცნიერების მინისტრის 2009 წლის 30 მარტის №174 ბრძანებით დამტკიცებულ „საჯარო სამართლის იურიდიული პირის – საგანმანათლებლო და სამეცნიერო ინფრასტრუქტურის



განვითარების სააგენტოს „ინფრასტრუქტურის განვითარების 2009 წლის სამოქმედო გეგმაში” და მე-3 თავის (საქართველოს საჯარო სკოლებში ინფორმაციულ-საკომუნიკაციო ტექნოლოგიების დანერგვის ხელშეწყობის მიზნით შესაბამისი ინფრასტრუქტურის განვითარება) 3.3 პუნქტი ჩამოყალიბდეს შემდეგი რედაქციით:

### „3.3 პროგრამა „ჩემი პირველი კომპიუტერი”

პროგრამის მიზანია საქართველოს სკოლებში წარჩინებული მოსწავლეებისათვის პირად სარგებლობაში პერსონალური პორტატული კომპიუტერების (ნოუთბუქების) გადაცემით ხელი შეუწყოს ინფორმაციულ-საკომუნიკაციო ტექნოლოგიებზე დაფუძნებული სწავლისა და სწავლების მეთოდების შემოღებას; ასევე, თანამედროვე ტექნოლოგიების ხელმისაწვდომობის გაზრდით, ხელი შეუწყოს სიღარიბის დაძლევას და კონკურენტული ეკონომიკური შესაძლებლობების განვითარებას.

პროგრამის მიზნობრივი ჯგუფები და ორგანიზაციები:

- პროგრამის მიზნობრივი ჯგუფია საქართველოს საჯარო და კერძო სკოლების წარჩინებული შედეგის მქონე მოსწავლეები.
- პროგრამის პირდაპირი ბენეფიციარების შერჩევის ბაზაა VII, X, XI, XII კლასის მოსწავლეები, რომლებსაც ბოლო 3 სასწავლო წლის მანძილზე აქვთ წარჩინებული შედეგი.
- პროგრამის ბენეფიციარები არიან ის მოსწავლეები, რომელთა 2008-2009 სასწავლო წლის საბაზო საფეხურის ნიშანი არის 9,7 ქულა და მეტი. ასევე, 2008 წლის აგვისტოში რუსეთის სამხედრო აგრესის შედეგად დევნილი ის მოსწავლე, რომელიც 2009 წლის 14 სექტემბრის მდგომარეობით სწავლობს ახლად დაფუძნებულ მცხეთის მუნიციპალიტეტის სოფელ წეროვანის №3 საჯარო სკოლის მე-10 კლასში და მისი 2008-2009 სასწავლო წლის საბაზო საფეხურის ნიშანი არის 9,6 ქულა.

ბიუჯეტით გათვალისწინებული თანხა	შესაძნი კომპიუტერების სავარაუდო რაოდენობა	დასაჯილდოვებელ ბენეფიციართა სავარაუდო რაოდენობა
2.400.000 ლარი	3.250	3.250

პროგრამა „ირმის ნახტომის” ფარგლებში რიგი აქტივობები განხორციელდება დამატებით მოწვეული ექსპერტებისა და სხვა თანამშრომლების დასმარებით”.

2. დაევალოს საკადრო უზრუნველყოფისა და საქმისწარმოების დეპარტამენტის საქმისწარმოების სამმართველოს ქანონით დადგენილი წესით ამ ბრძანების გადაცემა საქართველოს განათლებისა და მეცნიერების სამინისტროს საჯარო სამართლის იურიდიული პირის – საგანმანათლებლო და სამეცნიერო ინფრასტრუქტურის განვითარების სააგენტოსათვის;

4. ბრძანება ძალაშია ხელმოწერისთანავე.

ნიკა გგარამია

მინისტრი

